



Република Македонија
НАРОДЕН ПРАВОБРАНИТЕЛ

Republika e Maqedonisë
AVOKATI I POPULLIT

O M B U D S M A N
Republic of Macedonia

Më datë **27.11.2014**, Mekanizmi Parandalues Nacional realizoi vizitë të paparalajmëruar në SP Probishtip (e cila është vizita e parë e realizuar e ekipit të MPN-së në këtë stacion policor). Vizita u realizua në bashkëpunim me bashkëpunëtorin e jashtëm të Shoqatës Maqedonase të Juristëve të Rinj, e cila është shoqatë e regjistruar për dhënien e ndihmës juridike falas.

Qëllimi i vizitës, në përputhje me Protokollin Fakultativ të Konventës Kundër Torturës dhe Trajtimeve tjera Brutale, Johumane, Nënçmuese ose Ndëshkuese, është identifikimi i rreziqeve me qëllim të parandalimit të torturës dhe llojeve tjera të trajtimit brutal, jonjerëzor, nënçmues ose ndëshkues.

Gjatë vizitës së këtij stacioni policor u kontrolluan:

- kushtet materiale në vendet e ndalimit,
- trajtimi i personave të privuar nga liria nga ana e nëpunësve policorë,
- evidencat e regjistrave dhe procesverbaleve të veçantë për personat e ndaluar,
- vendet e tjera (hapësirat e punës së nëpunësve policorë).

SP Probishtip ka 3 hapësira për ndalim me nga një krevat – për ndalim individual. Hapësirat për ndalim gjenden në pjesën e bodrumit të stacionit policor. Asnjëra nga tri hapësirat, sa i përket madhësisë së tyre, nuk i përmbushin standardet për vendosjen e personave të ndaluar. Përkatësisht, të gjitha hapësirat janë me sipërfaqe shumë të vogla, përkatësisht të njëjtat janë me sipërfaqe prej 2.66 m² me çka nuk përmbushet standardi minimal prej 4 m² për person. Gjatë kontrollit të hapësirave për ndalim, MPN-ja konstatoi se të njëjtat nuk janë pajisur në mënyrë adekuate me mjete përkatëse për pushim (për ndalime të shkurtra dhe ndalime gjatë natës), ndërsa në to kishte krevat, dyshek, batanije, megjithatë, në asnjërën hapësirë nuk kishte shtroje dhe jastëk për pushim dhe gjumë gjatë orëve të natës.

Sa i përket ndriçimit, hapësirat nuk i përmbushin standardet të cilat kanë të bëjnë me ndriçimin natyror, përkatësisht ka vetëm ndriçim artificial, i cili futet nga pjesa e hapur lartë në derë. Gjatë vizitës, MPN-ja konstatoi se temperatura është nën nivelin e pranueshëm prej rreth 16°C, ndërsa lagështia e ajrit lëvizte rreth 42%. Meqë në hapësirat nuk janë vendosur trupa të posaçëm për ngrohje, si rrjedhojë paraqitet problemi me ngrohjen gjatë periudhës së dimrit. Në këto hapësira ka të instaluar sistem për thirrje/alarm (interfon), por gjatë kohës së vizitës nuk ishte në funksion dhe së këtejmi shtrohet pyetja se në ç'mënyrë personat e ndaluar e njoftojnë nëpunësin policor për nevojat e tij urgjente, duke e marrë parasysh se hapësirat për ndalim gjenden në hapësirat e bodrumit, ndërsa zyra e udhëheqësit të turnit gjendet në pjesën përdhese.

Ekipi i MPN, gjatë kontrollit të hapësirave për ndalim, si dhe në hapësirat e tjera zyrtare, nuk vërejti mjete me të cilat mund të kryhet frikësimi ose sende tjera të dyshimta.

Regjistri për ngjarjet e ditës mbahet me rregull, në të njëjtin të gjitha kolonat e formularit ishin plotësuar në mënyrë të azhurnuar. Në Regjistrin e ngjarjeve të ditës, veprat ishin përshkruar në detaje, ai i përmbante të gjitha informatat dhe të gjitha kolonat ishin plotësuar në mënyrë përkatëse pa përdorur korrektor. Pasqyra e këtij libri jep një pamje të qartë për të gjitha aktivitetet dhe punët të cilat kanë të bëjnë me fushëveprimin e PS Probishtip. Nga evidenca për personat e privuar nga liria dhe për personat e ndaluar u konstatua se e njëjta udhëhiqet me rregull, të gjitha kolonat janë plotësuar, vërehet qartë se a bëhet fjalë për kategori të personave të privuar nga liria apo personave të ndaluar. Gjatë kontrollit të evidencës së njëjtë u konstatua se ekziston rrjedhë logjike e ngjarjeve.

Kontrolli i dosarëve individual u zbatua sipas përzgjedhjes së rastit, me ç'rast u konstatua se ata mbahen me rregull, dhe se përveç procesverbalit për ndalim është bashkëngjitur një numër i madh i dokumenteve të cilat kanë të bëjnë me ndalimin e personit dhe realizimin e të drejtave të tij në procedurën policore.

Në procesverbale ekziston rrjedhë logjike e ngjarjeve, me atë që në mënyrë të drejtë përcaktohet koha e privimit nga liria. Në një dosje individuale kishte edhe fletë kontrolli për personat e ndaluar, në të cilën fletë ishte cekur se personi i ndaluar është mbikëqyrur 12 herë, në çdo 30/40 minuta.

Për vizitën, Mekanizmi Parandalues Nacional përgatiti raport të veçantë në të cilin i konstatoi gjendjet pozitive dhe negative dhe dha rekomandime përkatëse të cilat ia drejtoi Ministrisë së Punëve të Brendshme dhe vet stacionit policor, me qëllim të eliminimit të mangësive të konstatuara.